

**Kuzokwenzekani kimi uma ngenza iphutha lokungakhokhi ngokungenabulungiswa noma ngiyeka ukukhokha imali yesondlo?**

Umyalelo wokuqiniswa komthetho kubantu, iwaranti yokuqiniswa komthetho ngokwesigaba 27 somthetho wezondlo, ukufakwa kwezimali ngokwesigaba 28 nokufakwa kwezikweletu kungenziwa kuphikisane nawe.

**IMIBUZO EVAMISE**

**UKUBUZWA**



**KHA RI UNDE**

**ISONDLO**

### **Ubani okufanele akhokhe isondlo?**

Kuyisibopho somthetho sabo bobabili abazali begazi, ogogo nomkhulu noma umbheki osemthethweni wengane ukuthi akhokhe isondlo.

### **Ngingasifuna isondlo kugogo nomkhulu?**

Yebo isondlo singafunwa kogogo nomkhulu begazi uma abazali bengakwazi ukukhokha isondlo.

### **Ingabe isondlo siwumsebenzi wabazali begazi kuphela?**

Cha, nanoma ngubani obhekene nokukhulisa ingane, okungukuthi umbheki osemthethweni, abazali abemukele ingane njengayabo ngokusemthethweni kanye nogogo nomkhulu bengane, uma abazali begazi bengenazo izindlela zokukhokha isondlo.

### **Kungani kufanele ukhokhe isondlo?**

Kufanele ukhokhe isondlo sokuphila okufanele nokukhuliswa kwengane, futhi kubandakanya ukuhlinzeka ngokudla, izimpahla zokugqoka, indawo yokuhlala, ukunakekelwa ngokwelashwa kanye nemfundo.

### **Ingabe kuyimpoqo ukukhokha isondlo?**

Yebo, kuyimpoqo ukukhokha isondlo.

### **Kufanele usifake kuphi isikhalazo sesondlo?**

Kunanoma iyiphi inkantolo kamantshi yasendaweni lapho umfakisicelo kanye/noma ingane ehlala khona .

### **Ngingakwazi ukuya kunanoma iyiphi inkantolo kamantshi ezweni ukuyofaka isicelo sesondlo?**

Yebo, ungaya kunanoma iyiphi inkantolo kamantshi yasendaweni lapho wena kanye/noma ingane ehlala khona.

### **Kufanele sikhokhwe kaningi kangakanani isondlo? Kufanele kukhokhwe malini yesondlo?**

Imali yesondlo kufanele ikhokhwe nyanga zonke ngezinsuku izinhlango zombili ezivumelene ngazo nezivunywe yinkantolo. Inani lemali elizokhokhwa lizonqunywa yizidingo zengane kanye nezindlela zemali zabazali

### **Kufanele uyeke kumiphi iminyaka yobudala ukukhokha isondlo?**

Isondlo kufanele sikhokhwe ingane ize ikwazi ukuzondla ngokwayo.

### **Kwenzekani uma umuntu obhekene nomsebenzi wokukhokha isondlo eshona?**

Imali yesondlo kufanele ikhokhwe efeni likamufi ukukhokhela isondlo sesikhathi esizayo.

### **Kwenzekani uma ingane isifika eminyakeni eyi-18 yobudala futhi isalokhu ingakazondli ngokwayo?**

Ukukhokhwa kwesondlo kuzoqhubeka ingane ize izondle ngokwayo. Kodwa-ke, ukukhokhwa kwesondlo kufanele kudiphozwe ngqo ku-akhawunti yasebhangwe yengane.

### **Ngingakwazi ukukhulisa/ukwehlisa imali yesondlo ngemuva kokuba umyalelo sewunikeziwe?**

Yebo, ungakwazi ukucela ukwehliswa/ukukhuliswa kwamanani emali, ikakhulukazi uma izimo zomnotho sezishintshile.

### **Yimiphi imibhalo engiyidingayo ukufaka isicelo sokufuna isondlo?**

Umazisi, isitifiketi sokuzalwa, izitatimende zasebhangwe zabo bobabili abazali, uhlu lwezindleko zengane, uhlu lwezindleko zabo bobabili abazali, njll.

### **Ngingasifuna yini isondlo lapho sihlala ndawonye nobaba/nomama wengane?**

Yebo, ungasifuna isondlo uma omunye umzali engabhekani nomsebenzi wokondla ingane.